

REGIONAL NEWS

MUHCS 2.0

Mizoram Universal Health Care Scheme (MUHCS) thawh hnihna atan ni 3 chiah inziahluhna hun a awm ta a, tun thla ni 15, Nilaini lo awm tur thleng hi a inziahluh theih ani.

Mizoram sorkarin health care scheme a kalpui mek thawh hnihna MUHCS 2.0 atan hian kumin February Ni 16 atang khan Mizoram sorkar chuan internet kaltlanga inziahluhna hun a hawng tan a. Internet thatlohna khua bikah chuan sub-centre leh hmun remchangah inziahluhna tur sorkarin a ruahman bawk a. Mahnia online hmanga inziahluh harsat te tan Sub-Centre tina health worker ten an tihsak thei bawk a ni.

MUHCS 2.0 hi mipuiin an zawm theih nan Kohhran hrang hrang pawhin hma an la a. UPC Mizoram chuan an kohhrana thawk, Mizoram khua leh tui, MUHCS zawm thei zawng zawng chu zawm turin tun thla tir khan an lo hriattir tawh a. Mizoram Presbyterian Kohhran pawhin Kohhran tin te an kohhran member sum harsatna avanga MUHCS zawm thei lo te'n an zawm theih nan hma la turin an in ngen a. Tunah hian Kohhran hrang hrangin hma la an la mek a, an kohhran member MUHCS zawm kawnga sum leh paia harsatna nei te in report tura hriattirin an buaipui mek bawk a ni.

<><><>

Vathuampui Sunday School Hall burnt down

Tukin dar 5 vel khan Vathuampui Baptist kohhran Sunday school hall leh choka chu bungrua engmah chuh hman lohina kang ral vek.

A kan chhan hi electric current kal sual vang a nih rin a ni a. Sunday School Hall hi Assam type building niin cheng nuai 7 vel senga sak a ni. Hriattheih china bungraw kang ral hi Generator lian cheng nuai khat sing hnih man, a thar la hman loh, Generator te chi cheng sing 8 man, Almirah pathum cheng 22,000/- man, thingzai tlawn 80, plastic tuizem pahnih leh thutthleng 40 vel a ni. Heng bakah hian bungrua chi hrang hrang tam tak a kang ral a, Kohhran lehkha pawimawh leh thildang pawh a kangral a. Bungrua kangral hlut zawng hi cheng nuai 13 hu bawr vel nia chhut a ni.

<><><>

North East Cricket Development Council

North East state parukte inelna North East Cricket Development Council (NECDC) ah Mizoram Under 23 Girls te an champion.

Mizoram Under 23 hmeichhiate hian Final-ah Nagaland chu run 6 in an hneh a. Mizoram Captain Lalhmangaihsangi chu Player of the Match-a thlan a ni a, Best Batter leh Player of the Tournament-ah thlan a ni bawk . Mizoram mipa team (U19) chu final-ah an vanduai thung a ni.

Chief Minister Pu Lalduhoma chuan Mizoram Under 23 Girls Coaching Staff leh Player te chu a lawmpui thu leh chhuanawm a tih thu a sawi a. Mipa (U19) team te chu final-ah vanduai mahse final thleng thei khawpa team tha an ni hrim hrim chu thil chhinchhiahtlak a ni tawh tih a sawi a. Eng tikah emaw chuan an la champion ngeia a rin thu a sawi a ni.

India rama infiamna lar leh lian tak Cricket lama Mizoramin hma a sawn zel chu thil lawmawm tak a nih thu pawh Chief Minister chuan a sawiin , Cricket Association of Mizoram leh Sports & Youth Services Department hmalaknaah lawmthu a sawi bawk.

Lawngtlai West MLA

Lawngtlai West bialtu MLA Pu C. Ngunlianchunga chuan kar kalta chhung khan a bial khaw thenkhat a tlawh.

A bial fana ah hian Zochachhuah Primary School pawh tlawhin an sikul dinmun te a enfiah a, Headmaster- Pu Moses Lalvenpuia leh a thawhpui ten lo dawng sawngin an mamawh te an lo thlen ani. Zochachhuah Primary School hian zirlai naupang te'n Mid-day Meal chhumna tur choka an neih loh avangin, bialtu MLA in choka sakna tur cheng sing 7 a pe a ni. Pu C. Ngunlianchunga chuan Tuichawngtlang khawtlangin an din thar Tuichawngtlang Middle School (Private) a zirtirtute lawmman leh school enkawlna turin cheng nuai 2 kumtin a pe dawn tih a sawi a. Hei hi sorkar in a enkawl hma chu a pe dawn tih a sawi a, a bial chu zirnaah an hnufual em avang in zirna in hma a sawnna turin theihtawp a chhuah zel dawn tih a sawi a ni.

<><><>

ASHA BHOSLE PASSES AWAY

India rimawi khawvela zaithiam ber pawla chhiar tel, a zaithiam avanga Padma Vibhushan chawimawina pawh dawng tawh, Asha Bhosle-i chu tukin khan Mumbai-ah a thi a, kum 92-a upa a ni.

A thih thu hi Maharashtra Cultural Minister Ashish Shelar-a'n damdawiin pawna thuthar lakhawmtute hnenah a puang a, naktuk tlai dar 4-ah Shivaji Park-ah vui a ni ang. Asha Bhosle-i tunu Zanai Bhosle-i'n social media-a a tarlan danin a pi hi nizan khan private damdawiin pakhtah dah luh a ni.

Asha Bhosle-i hi kum 1933-ah a piang a, kum 9 anih atanga zai tanin kum 1943-ah hindi film atan a zai tan a, kum tam tak chhung chu hindi cinema-a zai tura sawm hlawh ber pakhat a ni.

<><><>